



fide⁺

Examen da romontsch

(Sursilvan)

Jeu discuorel romontsch!

Vuleis Vus mussar che Vus havais empriu romontsch?

Naven da 2021 saveis Vus schar examinar Vossas enconuschientschas da romontsch. Ei dat examens els idioms sursilvan, sutsilvan, surmiran, puter e vallader – ed en rumantsch grischun.

Tgei nivels dat ei?

Ei dat in examen cun ils nivels A2 a bucca ed A1 en scret, ed in examen cun ils nivels B1 a bucca ed A2 en scret.

Igl examen B1 a bucca / A2 en scret

edreza en emprema lingia a personas che vulan survegnir il dretg da burgheis svizzer. Mo el ei naturalmein era aviarts per autras interessentas ed auters interessents, p.ex.

- personas che drovan ina cumprova linguistica per survegnir la lubientscha da dimora ni da domicil sin in nivel pli bass, mo che disponan gia da pli aultas cumpetenzas linguisticas da romontsch
- personas che drovan negina cumprova linguistica per proceduras officialas, mo che vulessen schar examinar lur enconuschientschas dil lungatg acquistadas.

Igl examen A2 a bucca / A1 en scret

sedreza a personas che drovan ina cumprova linguistica per survegnir la lubientscha da dimora ni da domicil. El ei era aviarts per autras personas che drovan negina cumprova linguistica per proceduras officialas, mo che vulessen schar examinar lur enconuschientschas dil lungatg acquistadas.

Co ei igl examen structuraus?

Vus meneis igl εμπrem in discuors cun duas expertas. Il discuors cuoza 10-15 minutas. Silsuenter fageis Vus duas incumbensas en scret. Ei setracta d'incumbensas dil mintgadi; Vus stueis buca sepreparar specialmein per quellas. En tut va igl examen circa in'ura.

Dat ei in certificat?

Sche Vus dumigneis igl examen cun success, survegnis Vus in **passaport dallas linguas**. Il passaport vegn emess per incumbensa dil Secretariat da stadi per la migraziun ed ei reconuschius sco cumprova linguistica en proceduras per survegnir il dretg da dimora ed il dretg da burgheis.

Cura e nua san ins absolver ils examens?

Ils examens han liug duas ga ad onn a Cuera. Las datas d'examen vegnan publicadas sin la pagina-web da fide.

Co sai jeu s'annunziar?

Ils formulars d'annunzia saveis Vus telecargar dalla pagina-web da fide ni empustar via e-mail: rumantsch@fide-info.ch. Sche Vus duvreis ulteriuras informaziuns, tarmettei p.pl. in e-mail a questa adressa e nus rispundin a Vossas damondas en scret ni per telefon.